

Jumlah mangsa banjir di Kuala Krai meningkat

29 DISEMBER 2015

 Tweet









1



Iklan tiada lagi.

[Buat asal](#)

Apa yang tidak kena dengan iklan ini?

- ☐ Berulang-ulang
- ☐ Tidak sesuai
- ☐ Tidak berkaitan

KUALA KRAI - Jumlah mangsa banjir yang dipindahkan ke pusat pemindahan di Jajahan Kuala Krai meningkat kepada 54 orang tengah hari ini berbanding 47 mangsa pagi tadi.

Menurut Portal eBanjir Negeri Kelantan, mangsa terbaharu terdiri tujuh orang daripada sebuah keluarga dari Kampung Olak Jeram di sini, dipindahkan ke Madrasah Mesek, pada 11.59 pagi/

Malam tadi sebanyak 47 orang daripada 14 keluarga dari Kampung Ghucil 7 di sini, ditempatkan di pusat pemindahan banjir Dewan Pejabat Veterinar Kuala Krai.

Tinjauan di Kampung Ghucil 7 yang terletak di kawasan rendah mendapati masih digenangi air limpahan daripada Sungai Durian.

Sementara itu, Pengarah Jabatan Pengairan dan Saliran (JPS) Kelantan Shahimi Sharif berkata, paras air Sungai Kelantan menunjukkan trend menurun termasuk di Tangga Krai dan Jambatan Guillemard, namun masih di paras amaran.

Shahimi berkata, ini berikutan tiada hujan sejak malam tadi dan cuaca dilaporkan cerah. - Bernama